

CNS0458

U GB 19-08 00173 BA609

aab

Mahathir - Islam

(EMBARCO: Untuk siaran selepas pukul 3 petang hari ini, 19 Ogos)

KUALA LUMPUR, 19 Ogos (Bernama) -- Pentadbiran yang benar-benar menerap nilai-nilai Islam akan memberi banyak faedah kepada semua rakyat, kata Datuk Seri Dr Mahathir Mohamad.

Perdana Menteri berkata ini kerana pemerintahan yang betul-betul menerap nilai-nilai Islam tetap akan berjaya.

Tetapi, katanya, jika tafsiran mengenai nilai-nilai Islam adalah sempit atau tidak tepat dan dengan itu pentadbiran gagal, maka yang salah bukan Islam tetapi mereka yang membuat tafsiran yang tidak betul.

+Sebaliknya, jika pentadbiran yang menerap nilai Islam berjaya, maka Islam dan orang Islam akan dihormati dan dengan itu banyaklah nikmat yang akan diperolehi oleh semua pihak.+ katanya dalam tulisannya bertajuk +Penerapan Nilai-nilai Islam+ dalam buku +Nilai dan Etika dalam Perkhidmatan Awam+ yang dilancarkan di sini hari ini.

Tulisan Perdana Menteri itu dimuatkan dalam bab pertama buku terbitan Institut Tadbiran Awam Negara (Intan) yang dilancarkan oleh Ketua Setiausaha Negara Tan Sri Ahmad Sarji Abdul Hamid. -- Lagi

♥19/08/11-04MST

U GB 19-08 00173 BA610

aab

Mahathir - Islam 2 Kuala Lumpur (Embargo)

Datuk Seri Dr Mahathir berkata nilai-nilai Islam yang hendak diserapkan ialah nilai-nilai yang akan berjaya mendirikan sebuah kerajaan yang cekap dan dapat mentadbir secara berkesan daripada segi keamanan, keselamatan dan pembangunan yang mampu menyaingi pemerintahan-pemerintahan lain.

Beliau berkata nilai-nilai Islam yang diutamakan boleh diamalkan oleh semua rakyat Malaysia, termasuk yang bukan Islam.

Nilai-nilai yang diutamakan untuk pentadbiran yang boleh diterima oleh orang Islam dan bukan Islam ialah amanah, kejujuran, bertanggungjawab, rajin, ikhlas, tertib, disiplin, mengutamakan masyarakat lebih daripada diri sendiri, sanggup berkorban, tidak tamak, berpandangan jauh, bermoral dan berkelakuan baik, katanya.

Perdana Menteri berkata hanya orang Islam sahaja dikehendaki mengamalkan semua nilai Islam manakala orang bukan Islam boleh menerima nilai-nilai yang sama yang tidak bertentangan dengan kepercayaan mereka.

+Jika mereka memakan atau meminum apa yang diharamkan oleh Islam, atau mereka berjudi, tetapi di samping itu mereka mengamalkan nilai-nilai lain yang secocok dengan nilai Islam, ini adalah memadai bagi mereka,+ kata beliau. -- Lagi

♥19/08/11-08MST

aab

Mahathir - Islam 3 Kuala Lumpur (Embargo)

Tetapi, katanya, orang Islam harus menerima dan mengamalkan nilai-nilai Islam dengan penuh kesedaran akan kebaikannya.

Perdana Menteri berkata nilai-nilai Islam yang hendak diterapkan adalah juga nilai-nilai agama lain, dan orang Islam tidak perlu mendakwa bahawa nilai-nilai itu milik agama Islam semata-mata.

Katanya, semasa kenyataan dibuat bahawa kerajaan akan menerapkan nilai-nilai Islam, tidak ada penjelasan secara terperinci dan rasmi dibuat menyebabkan para pegawai, kakitangan kerajaan dan guru-guru agama membuat tafsiran masing-masing sehingga timbul kekeliruan dan kefahaman yang berbeza.

Beliau berkata sikap bertolak ansur Islam terhadap orang bukan Islam amat penting terutama di Malaysia yang mempunyai penduduk berbilang kaum dan agama.

Beliau berkata sikap seperti ini terbukti pada zaman pemerintahan Islam di Sepanyol apabila orang Yahudi biasa menjadi Menteri Kewangan pada masa itu. -- Lagi

♥19/08/11-09MST

CNS0462

aab

Mahathir - Islam 4 Kuala Lumpur (Embargo)

+Demikianlah tolerannya kerajaan-kerajaan Islam sehingga apabila negara-negara Kristian menindas orang Yahudi (yang disalahkan kerana kepercayaan orang Kristian bahawa orang Yahudilah yang menyebabkan Nabi Isa dibunuh) maka orang Yahudi biasanya mencari perlindungan di negara-negara Islam,+ katanya.

Katanya, dalam penerapan nilai-nilai Islam, yang penting ialah amalannya dan bukan perkataan yang dikaitkan dengannya.

+Kebanyakan orang Islam lebih berminat dengan perkataan dan bukan amalan. Kemunduran orang Islam di zaman ini adalah kerana tekanan yang diberi kepada perkataan lebih daripada amalan.+ katanya.

Beliau berkata sifat amanah dan kejujuran Nabi Muhammad S.A.W. sepatutnya menjadi panduan besar kepada umat Islam tetapi +ramai yang lebih mengutamakan simpan janggut seperti Nabi tetapi tidak begitu mengutamakan amanah seperti Nabi.+

+Jika kita anggap pakaian dan rupa bentuk Nabi adalah sebahagian daripada sunnah, apakah kita tidak anggap peribadi Nabi juga contoh dan sunnah? -- Lagi

Mahathir - Islam 5 Kuala Lumpur (Embargo)

+Apakah orang yang menunaikan ibadat tertentu tetapi tidak beramanah, malas, rasuah, tidak bertanggungjawab, tidak ikhlas, tidak berpengetahuan; apakah mereka benar-benar berpegang kepada ajaran Islam?+ kata beliau.

Datuk Seri Dr Mahathir juga membidas golongan yang menganggap hanya jika hukum Hudud dilaksanakan barulah pemerintahan itu dianggap sebagai menerap nilai-nilai Islam.

+Hukum-hukum Islam bukanlah hukum buta-tuli. Semua hukum Islam mempunyai kelonggaran tertentu kerana perlu mengambil kira keadaan,+ katanya sambil memberi contoh solat yang boleh didahulukan atau ditangguhkan dalam keadaan tertentu.

Katanya, banyak juga negara yang diduduki oleh majoriti Islam yang besar dan pemerintahan juga terdiri daripada orang Islam tetapi hukum Hudud dan lain-lain hukum Islam tidak dilaksanakan.

Di Arab Saudi pun ada hukum yang tidak dikuatkuasakan, katanya. -- Lagi

♥19/08/11-14MST

CNS0464

U CB 19-08 00183 BA613

aab

Mahathir - Islam 6 Kuala Lumpur (Embargo)

Beliau berkata ada negara Islam lain tidakpun mendakwa secara rasmi bahawa mereka adalah negara Islam malah ada yang mendakwa negara mereka negara sekular.

Perdana Menteri berkata umat Islam perlu memastikan supaya usaha menerap nilai-nilai Islam tidak menyebabkan pemerintahan dan negara menjadi lemah. tidak berdaya maju dan berlaku huru-hara, kerana jika ia berlaku, maka Islam akan mendapat nama buruk dan akan dianggap sebagai penghalang kemajuan.

Datuk Seri Dr Mahathir berkata naluri manusia menyebabkan mereka memandang tinggi dan menghormati orang yang nyata berjaya.

Katanya, orang Melayu yang dulunya beragama Hindu atau hanya percaya kepada hantu dan roh tidak akan terpengaruh dengan Islam jika bukan kerana ilmu dan kepintaran orang Arab dan India Islam yang datang berniaga di negeri-negeri Melayu.

+Hanya dengan menceritakan mengenai syurga dan neraka dan ibadat tertentu yang akan menentukan tempat di akhirat tidak akan menakutkan orang Melayu akan kebaikan agama Islam,+ katanya.

Beliau berkata sebabnya, ada orang Korea memeluk agama Islam ialah kerana mereka melihat askar Turki berani berperang. -- Bernama

♥19/08/11-15MST